

# FLOREAN DAL PALAZZ

AL SALTE FUR LA JOIBE

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabachins in plaze Contareno e in Borg S. Bartolomeo

Abonaments par l'interio up An quatri francs: 6 mes doi francs: par l'estero il dopli.  
Inserzioni intindisi da l'Amministrazion Mandà bez con letare raccomandade o ih vaglia  
postat al semphis indirizz: — Amministrazion del Florean dal Palazz, Udin. —

## FLOREAN IN CATEDRE

Ancemò? — Veso rabie voaltris? cui che no vul sinti, nissun la obles, la strade je large — Abass, abass! — Cucuo! — Alon, se vès coragio, fairs indenant! Ah ah, de sbigule!.... e tirin vie quacios quacios... ah ah, purciner! no san mingo lor che Florean se a salte il grt, cui t'una sole pedada, là che mi capis, e tai bufe fin parsore il Cisciell! Dal rest, lassin che vadin, e jentrin senze altri in materie.

Us hai za fat comprendi che la biele Italie giold l'invidiabile e invidiade fortune di sedi, a mud di di, governade da un sterminio di lez ben mastiadis e miei digeridis fra il sie il no di 500 Deputas (seusait, s'al e poc dei quai almanco un tiarz a si, n'intindin tant che m'intind jo di scarpis e di zoculis. In stis lez disevi, *carentis numero*, figure in prime liste ance che de cussidete Istruzion obligatorie.

Vidui, intat e considerat:  
« che la sulodade biele Italie (mestre, un timp, e regine dal mond) conte in zornade di nè a milions i sei inalfabes, int cioè « che no sa nè lei, nè scrivi ecc. ecc; « che l'ignoranze genere la sclavitul e l'a-brulument ecc. ecc; che bisugne quindi « proviodi par urgenze (*e vada todos*) a redam lis miseris plebis *utriusque sexus* « ecc. ecc; che se non di è te tele che basti al gran scopo si batarà la monede o si lavorarà magari di.... Torcì e a la plui « disperade, si farai meti sott la gobe ai « Comens a lis Provincis masse passu « dis ecc. ecc; che.... oh *insumis* (senze « *tantis ciacaris*) » fo concludut, stabilit e decretat, in forme autentiche e bolade che di ca indenant no si dovarà plui viodi che-nous in Italie che cil e scuels, tiare e professors (o professoris) aghe e dotors (o do-

toressis) e nance un muss a pajalu tant aur — Evive la cucagne!! — Si, lui... si lui... ma.... — E dai cul to ma — Ciale, po' no sàveso ce che al dis il proverbio? *Chi troppo abbraccia nulla stringe* — Cemud, vorestu fa crodi che mancìn lis scuels? — No mingo — E ben? — O dis nome che no son dutis ches che dovaressin jessi second la sconfinate intenzion da la lez... *obligatorie* — Diaul, — nol jere nè al è pussibil tal stat general des finantz — Ma dunce se nol jere, nè l'è, nè sarà fuars mai pussibil, parce alore fa une lez che par necessitat di ciosse no po in nissun cas jessi eseguide? e se no po jessi eseguide, mance naturalmentri di sanzion, e se mance di sanzion, domandi jo, ise veramentri une lez?

Forse

Tu non sapevi chi lo loico fossi.  
E voleso une prove sacrosante, incontrastabi (*ad una diæ omnes*) che o soi tal ver? Ecole: Dula vadie dute che masnade di frutaria discolze e pezzotose che si viod traviarsa in file par lis contradis? Al Colegio clerical di S. Spirt, no ise vere? E se la caritat *pretine* a imitazion *farisache* dal bon Gesù — *sinite parvulos ad me venire* — no reclamàs e se chesg frutazas (che son pur citadins come i altris) par somministrar il cussidel, pan de scienze, ce varessino di fa? dula, varessino di là? a vendi fulminans? a birchina pe plaze? a zujà di pinco tor lis muris? a clapadassi fur des quartis? ecc. ecc. Ma... si dis, Comuns non di han tang di spindi par podè cialza, scarpà e furni ance di libris i frus dai puars. E dunce ad quid fevelà d'Istruzion obligatorie? *Ad impossibilia nemo tenetur*.

En vie! no stin a fassi la cort. Confessin ingenuamentri che par *fuarze di reazion*, par volè trop, si è passas oltre il segno de l'*aurea mediocritas*; che o vin une buina

dose dal prete tai uas e dal mal franzès tes medolis... e farin plui butte figure. Vadie ben cussi?

*La verità nulla menzogna frodi.*

## FLOREAN IMPARZIAL

O ricev ego publichi par obligh di imparzialitat e par fa sinti, ad ogni mud, dutis lis ciampanis. Eco ce che mi scrivin:

« Cemud ise cheste storie? In principi di cheset mès e jerin tre lis ancelis gravidis e la vere ciampane sosten, che no son che dós. Ance dós saressin masse par une confraternite di santis, che fasin profession di verginitât. Ma parcè mo dós è nò tré, quand che dutis tre han visibilmentri mal di stomi? E dis la ciampane vere (che podaress jessi rote senze che si viodi la roture), che une di ches tre gravidis dal mès di febrar in ca no aparten plui a che associazion religiose. Vâ ben; dunca ches altris dos e apartegnin. Mi consoli tant. Ma, sior Florean, conte un poc sui dês: marz, avril, mai; tre mès fin ai prins di jugn. Crodistu tu, che in tre mès puedi svilupassi chell mal di stomi cussì manifest? La comari e dis, che nance di sis mès no si cognoss cussì ben il miracul. Lis nestris nonis, che fasevin lis robis a l'antighe, e metevin nûv mès par fa sgnaula i giass. Dunca o lis ancelis e han qualche privilegio, opur bisugne erodi che la fiazze fantate e jere ancemò ancelle e ciantave lis gloris de virginitât almanco tre mès dopo di ve serciat il persutt di S. Pieri. Ciart tu, Florean, tu diras a la ciampane vere, che suni plui intonada, se nò ul che si stropin ance nò lis orelis.

E poi ce jentrie la moralitat, il timor di Dio, la religion imacolade di sior Titute tes roturis des ancelis? Sior Titute al è un non come Tizio, Cajo, Sempronio, come sior Tonin, sior Beput, ecc. Cui isal cheset sior Titute? Cui lu cognoss? E poi ce mal si disial di lui? Si dis, che lui a sinti i disordins des ancelis al si stropà lis orelis. E no vadiàl fatt cussi? Ogni bon cristian catolich, apostolich, roman al devi fa altrettanto. Dunca se pur esistess cheset sior Titute si dovaress tigni in bon quand che di lui si disess, che si stropie lis orelis par no sinti ciartis ciampanis. Ma sastu tu, Florean, che apont la ciampane vere, che podaress jessi ance un campanell di sacristie, e faress cu la sq difese plui mal che

ben a chell Titute, che intendaress di ciart? La ciampane vere e faress erodi, che al è, o almanco si dubbe, parce che

*Una scusa non richiesta*

*È un' accusa manifesta.*

Cheste e jè ancemò plui curiose. La ciampane vere, che podaress jessi ance une ciampane false, e ul fa un panegirich al plevan.

E colin erodi che il vin blanc, che une volte dismoveve lis convulsions a lis feminis, ai tims di cumò rinfuarzi il stomi plui che il neri. Ma cui ha mai dubitat, che un ministro di Dio al mandi vin a lis fantatis se non par semplice caritat cristiane? Cui saressial cussì trist di pensà mal di un sant omp? Anzi sin sigurs, che il publich al vedaress vulintir une liste dai noms di ches puaris vecis: carampanis, gobis, maladis, plenis di miserie, a cui il plevan par caritat cristiane al mande ogni setemane qualche litro di vin blanc par sostignilis e rinfuarzalis.

## MARIE-LUIGIE, FLOREAN E LA MODE

### DIALOGO

ML. — Ce brantulistu, ce cialistu daur che modiste o sartore, che sei.

F. — Folc mi trai, se o capissune potenze di cheste mode de zornade, curiose e anzi unmont' ridicole.

ML. — Ce ustu tu intrigati cu la mode de zornade, ciale la to e tu la ciataras no curiose, nè ridicole, ma scandalose.

F. — Fami il plazê, femenause me, voltiti co viodi se tu has ance tu chell brut stamp come che modiste che jè passade cumò.

ML. — Ciò ciò, viod. Paraltri a mi mi par che uè tu la macolis cu la mode.

F. — No... no, il to al è natural. Chest al sarà simpri un misteri par me. No capiss se dal folc che si petin daur chell afar (che tu mi capissis), no avind nissune soe meanze cun chell che mari nature ha format.

ML. — Dimi ce che tu i ciatis di ridicol sul torotot di che modiste.

F. — Ombre... i ciati... i ciati che ha scuindut la bree de potente, daur e sett, in mud, che invece di jessi tarond, l'è quadrat. Cheste, viodistu, uampate me, par inamorà seriamentri qualchidun e ha pensat di fa cambià format. Ma nò faremo niente. Ma nò jè mingo sofè a marciare cussì, oh si! quasi dutis lis sartoris e modistis si han simiotat, e une plui dal'altre e procure di

scurtà l'abit e di meti un fole sup chell afar par falsificalu.

ML. — Mancomal che tu ciatis di critice nome noaltris puaris feminis, voaltris e ses simpri esens de critiche; ma ance fra voaltris omps an d'è di ridicui, massime di chei che uelin cori daur a la mode. Par esempi jo hai vidut l'altre di un zovin che al jere ridicolissim: un par di scarpis a gondule (forme premiade a l'espuzizion di Udin) senze tachs impiradis in t'un par di pii lungs, senze esagerà un miezz brèss; un par di bragons stress infilsass t'un par di giambis gruessis come doi fulminans, e ance un poc stuartis; une giachetute strete in dutis lis bandis, in mud che se al ves fat un qualche moto cui bràss la giachete saress lade in fretae. Ecco la mode dai nestris zerbinos e qualche impossibil segnas.

F. — Brave che femine! Ma paràltri ti diss che noaltris omps no lin daur a falsificassi il daur, e une di o l'altre par sicur e ciataran di falsificà ance il denant, par podè dà plui tal voli; ma... a mi no me daran d'intindi jo soi lât a la vece e e larai simpri cussi sclet.

ML. — Ance masse sclet, mostro di omenât, tu puedis ridi su lis spalîs dai altris fin che e varan fuarze chei doi claus che tegnin su la to covertorie; ma quand che saran dal dutt rusiniis, patratroc siore covertorie; alore tu viodaras ce ridi dugg su lis tos spalîs, e jo pe prime o restarai ance sodisfate di viodi chell che da tant timp e jeri golose di smicià. Mandi moro!

F. — Eh... va la tu malandrete strie! che il diaul mi puarti, no tu viodaras mai e po mai nuje.

## ORAZION

DI UN PREDI-CIADOR DAL VANZELI

O mi presenti a te o grand Nane che tu as il podè di fa alt e bas su cheste tiare, che come omp tu ti divertivis nell'Arem des bielîs frutis, e come spirit, tu tegnis la podestat di dugg i Serafins e Cherubins. A te o ricor parceche riponind la me fede in te to divinitat o puess ricevi dutt chell che o vueli, ance l'esecuzion des infamis viars il miò prossim.

Al è par chell o Nane, che scevrò di ogni ben fa, e cul anime nere come il fond di une cialderie o mi rivols a te preanti a volemi concedi la grazie di podè perseguità un individuo che al ten la coscienze plui

nete di me. Dami la grazie che o puedi inclaudaigi la puarte e cussi butalu su d'une strade, opur in tal sneat dal nestri zardin public. Fas che i auguri ogni mal e so famee; che lu fasti clamà in Custure, devant il Consigliator e ance falsamentri devant il Pretor in vie penal.

O ti prei che o puedi vinzi dutis chestis tramis, degnis di un sedicent cristian plen di che caritat che tu mi oapissais.

Si o Nane! O hai ferme fede di ricevi di te chell che ti hai domandat, e preanti a volemi saludà dugg i tiei amiis; che la to benedizion e sedi parsore di me e di dute la me congregazion par dug i secui dei secui. Amen.

Cheste orazion e jè stade fate da un biel tipo di predi-ciador del Vanzeli, ma Nane no lu ha esaudit, parceche il Pretor l'ha declarat di no fassi lug a procedi par insistenze di reat.

## DA LA ZAE DI FLOREAN

E saves di che retifiche che o hai publicade relative al ingravidament di che frutate par part di un miedi che al voleve quarantemil francs par sposale!

Ben: il segretari che in sbaglio al jere stat acusat lui da l'ingravidament come sôpra al ringrazie Florean de retifiche, parceche, caspite!, a lui no i comodave par nuje che lu ritignissin capaz di ches qualitas di nainis.

Florean al azuns che no jè bisugne nuje afat di ringraziamens, parceche lui al sa il so dovè che al è chell di di la veretat in fazze a dugg, grang, pizzui, sjors, pnars, galanzumin, laris, patriôs, spiis da l'Austrie e vie discorind. Vae ben cussi?

O ricev e o publichi:

CONFITEOR DAL PLEVAN

DI S. NICOLÒ

Jo confessi al Vescul; al Ciapitul, che al pretind di jessi il miò paron; al plevan di Redentor, miò ciar vicin, e istitutor des ancelis; a dug i altris Plevans di Udin; ai miei Parochians; e singolarmentri a lis Maris Cristianis, Fiis di Marie; al Circul Catolich; al Comitad Diocesan; e al Municipi, che al rapresente la Citat di Udin, che hai peciat; (E ce nuvitaz de p...) No sino dug peciadors? Cui che al è senze peciat che al buti il prin clap cuintri il plevan Silve-

sti. E po' e' diran che jo, Florean, perseguiti il Plevan di S. Nicolò. Quindi avind recitat il mea culpa prei dugg i soresmenzionas a perdonami se jo, omp singolar, invece di sa l'imprenditor di fornas, e di stradis feradis, soi fat predi; — invece di fa il pari di famee a Rizzul, hai fatt il Parroco; — e se essind stufat jo di sta a Rizzul, e chei di Rizzul stufas di me, soi vignut (cu la protezion dal vescul Ciasésolè) a fa prova la pazienze di chei di borg di Puscuell, di borg di Vile fin al Cormor; — Confessi inoltre, che o soi un original di prime furzè; che mi plas di litiga dui dugg par sveja a dugg la cappadocia, che hai il mal de pierre, (e mal par me che al sei muat il dottor Belline che al s'intindève di chesg afars) che soi un tartar che nissun mi capis; che hai une vos di fa sciampa i oròz, che però ingiustamentr mi disin che soi matt.

In cheste me umiltat, jo aceti di jessi Vicidri General dal vescul gnuy, come che al propon il camatir in Locande, opur di là plevan a Buri, come che la pietat dai parochians di S. Nicolò propon di fa un Triduo a cheschet, e jo, grati antmi sensu, promet di lassà cun gran dolor di panze la me dilete parochie e di là a Buri a cambià la cupule dal campanil che par un distador di ciandelis. Amen.

Me ven dit, che il Plevan di S. Cristofol elatans cul Grotto al Redentor al si sei esprmut: Se Florean al ves ardimet di discors di me, e des mes parochians, come che al fevete des anetis e del pleon dal Redentor, jo si che i savares stagnai il sang di nas. Prime di tutt, jo no erod che un omp nasut a Maran dila che par la relative civiltat si fevete il Venezian, educat a Udin, ex-mocu di Demo, che vul di omp di mond, al si lassi trasparia a fa ches minacs, par la sole rason di amichele viars il plevan di Redentor. — D'altre part no puess suponi tante aversion viars di me, parò che i, e no jo tant lontane, al e passat davanti il palazz, al mi ha dade une eralade di piene amicizie, e jo cun tant di cur fu hai salutad tra di me, e i hai dit: Va beneditt e la diuina fortune ti compagni daparditt, e ti auguri no un Colored, ma doi ma tre, ma un vescovat! Che se po foss vere la caunie dal sang di nas, o si la fe che mi fares sinti anco jo par tante ingratitudine, ma sicome o soi doz di cur, lu fares solamentr emigrà in Franze. a

Rapresenta vivent la caricature di plevan, in piche e baston, che al sorprend una famee di bulhe int che mangie di grass in di di Vinars. Lait insomp Marciatvieri da Pèresin, e lur us al mostrerà.

Va, e dis la parone al famei, ciolimi in buteghe un boccon di ardiel e fa prest, ti facomandi, ciolilu ranzit!

Il famei al va corind, ma al sta plu di un ore. Finalmentr al torne dutt sudat. — Dila sestu stat tant timp? Sestu stata ciolilu a Palme? — Ma, siore paronei soi stat di ex e di là e ho ju vevin in nissun lug. Anzi là di Leoncin mi hai respindut cun malègrazie e mi hai dit, che no vendin che porcarie. Cussi hai dovut la in piazze e lu hai ciolt in une barache. — Vidin, vidin, e dis la parone, che sintive un ciart odor. E disvolza la ciarte e vioda l'ardiel zal come il zolfar. — Jo si face a ridi e conclude — Ciò, ciò, orghan, quartilu a ciase e gioldital tu par cheste volte!

Domenie e saran lis elezions dal conseirs comunai. Son preas a no mancia specialmentr chei di borg di Glemone, par che puedin dà il lor vot a chei siors, che son socios dai Pozz neri. Chei di borg di Glemone e chei tur de Puarte e son sicurs, che quand lis lor ciasis saran impetadis ricorind, saran subit esaudis e che varan un pront provediment.

Za che hai scomenzat e cul to miezz di meti ale in ciar su la moralitat, fami il plaze, Florean, di di quatri peraulis a chei zovin di buteghe, che si ciolin la libertat di slungia lis mans ator lis gotulis di ches fantatis, che vegnin a fa spese tal negozi. Tu puedis dii, che vadin in borg di Vilatte, e che no si azardin di bussà a tradiment fantatis onestis e tant mancul di tocia a miezz i lor grumai. Altrimentr une volte o l'altre qualcheun ju vescole di festis senze disturbar a spindi tai soliz regal di cresime.

## TELEGRAM DA MORTEAN

Plevan invelegnat tanche bestie — brutis bigotis maladis di stizze — paesans si consoln — vecios e vaim — ne vott de scizion.

Zinghinette.

VINCENZO LUCCARDI, gerent responsabli

Udin, Stamp. A. Menabaz.